

PARKSIG**Eiendomsagentskap**

Huise — Plase — Plotte
Besighede — Standplase
vir 'n eerlike
transaksie
sien of bel

1486 — Na-ure 2054
(Eienaar: G. Schoonhoven)

die

Wapad

Is u gekys? JA! VERLOOF?
Nog nie... spreek dan

EDDIE DE BEER
Diamantslyper

vir u
VERLOOFRINGE
teen baie billike pryse.
U soek die diamant en ons set
hom na u smaak.
Bel: Tannie de Beer (De Klerk-
huis) 2226, Potchefstroom
of
E. J. de Beer, 869-1260, Alberton

JAARGANG XVII

WOENSDAG 23 MEI 1962

Nr. 5

OFFISIËLE STUDENTEKOERANT VAN DIE P.U. VIR C.H.O.

Vreugdedagsierwaens vertoon goed



Foto: Fotokuns.

Belangstelling beroerd

Vreugdedag is op Vrydagmiddag 11 Mei vreugdevol en uitgelate ingelei toe boeresport agter die Chemielaboratorium gehou is.

Die tradisionele wedstryde het plaasgevind, onder andere die driebeenresies, hoendervang en varkvang. Vier donkies het vir die hoogtepunt van die middag gesorg, toe vermaaklike resies ge-loop is terwyl die donkies van agter gestoot is!

Heel gou het die vragmotors wat daar geparkeer was, vorm begin verwissel. Mense by talle het begin opdaag en die groot pret en kompetisie het begin. Die vleisbraaivuur was 'n groot aantreklikheid want die koue het spoedig toegeneem.

Pannekoek, warmbrakke, sop, koffie en toebroodjies het baie aftrek geniet want vlotbou is honger werk.

Namate die koue intensiewer geword het, het groepies in komberse gewikkel oral ontstaan — slegs die bouers moes moedig die koue trotseer.

Min slaap

Die groot lawaai het met die ure afgeneem en die bekommernis oor die min tyd het groot erns laat ontstaan. Vir sommige het die nag geen slaap ingehou nie en van vier uur die oggend het moeë figure weer opgesukkel na die halfklare vlote.

Die laaste drie ure van die oggend het verbygesnel. Die vlote was klaar en die uur van die

beoordeling het aangebreek.

Pryse

Die P.U.-vlot het die prys vir die beste afgewerkte vlot verower. Dit was 'n poging van Klawerhof en Dawie du Plessis-huis.

Die vlot van die Reishuro het die prys vir die oorspronklikste ingepalm — dit is deur Kulu en Uitspan gebou, en die vlot van Wes-Transvaalse Sportwinkel het die prys vir die lagwekkendste weggedra. Dit is deur Kulu en Heimat gebou.

Verskeie ander vlote, in besonder dié van Rembrandt en Ingram is noemenswaardig.

Die vlote het sierlik die strate van Potchefstroom deurkruis terwyl die kollektante in besonder oorspronklike kostumering die publiek beroof het.

Dit is 'n onrusbarende verskynsel dat die entoesiasme vir hierdie onderneming so taan. Lê die fout by die aksies of lê die fout by ons ouhere en oudames?

GIDEON ROOS VOOR A.S.B.

Die plaaslike tak van die A.S.B. het verlede Donderdagaand sy tweede programvergadering van die jaar aangebied. As spreker het opgetree mnr. Gideon Roos, wat gepraat het oor die beskerming van ons geestesgoedere.

Mnr. Roos wat voor 'n teurstellend bygewoonde vergadering opgetree het, het o.a. die volgende gesê: „'n Verligte outeurswet is een van die kenmerke vandag van 'n ontwikkelde land.”

Die vraag het van die ontstaan van die boekdrukkuns bestaan of aan die skrywer van 'n boek enige regte op die boek toegeken moes word en in hoever. Met die verloop van tyd is daar egter nou so ver gevorder dat daar vandag algehele beskerming vir skrywers, komponiste, beeldhouers ens. bestaan. Ook van die skrywers van werke kry vandag vergoeding vir hulle werke en hoef nie van honger om te kom nie.



Foto: Fotokuns.
Mnr. Gideon Roos

M. S. S. V.

Op Maandagaand 7 Mei 1962 het die studente van die Departement Maatskaplike Sorg oorgegaan tot die stigting van 'n eie vereniging.

Die naam van die vereniging is: DIE MAATSKAPLIKE SORG STUDENTEVERENIGING.

Die bestuur is soos volg saamgestel:

Voorsitter: Nick Vorster.

Ondervoorsitter: Flip van der Westhuizen.

Sekretaresse: Mej. Elsa Theron.

Penningmeester: At van den Berg.

Addisionele lede: Johan Lindeque en Fanus Heystek.

Die vereniging beoog die bevordering van die suiwer Skriftuurlike beginsels deur die uitbou van die vakwetenskap Maatskaplike Sorg.

Sending onder Oosterlinge

„Die Hindoe aanvaar Christus net as 'n groot projest, maar sonder die kruis en die verlossing want dit is vir hulle 'n skande”. So het ds. Chris Greyling, sendingleraar van die N.G. Kerk in Transvaal, die onlangse Korpsvergadering in sy rede: „Sending onder die Mohammedane en Hindoes” toegespeek.

Op aangrypende wyse het ds. Greyling verder daarop gewys dat selfs blankes hulle steeds meer wend tot die Hindoe-Jogisekte. En dan roem ons op 'n Christelike westerse beskawing.

Met toeligting deur kleurskyfies, is 'n blik gewerp op die uiters haglike toestand waarin die Indiërs leef. Dit skep nie net 'n akuele probleem ten aansien van die Indiër, sowel as Indiërjeug, se geestelike en morele agteruitgang nie, maar ook vir evangelisasie, aangesien daar 'n dringende behoefte bestaan aan nodige fasiliteite vir die hou van dienste en byeenkomste.

Probleem

Die groot probleem, volgens ds. Greyling, lê egter in die metodiek van Evangelisasie onder hierdie mense. Hulle Oosterse kultuur met talle afgode en profete, waarin hulle 'n onwrikbare geloof openbaar, moet vervang word met die Christelike gods-




Foto: Fotokuns.

diens, wat 'n algehele geestesommeswaai teweeg sal bring. Daarom moet elke Christen hom bereid verklaar om sy deel by te dra in hierdie groot werk.

ONS ONDERSTEUN U!

Ons werk as amptelike fotograaf van DIE WAPAD verrig ons gratis!

ONDERSTEUN U ONS?!

Ons gee kwaliteit!

Ons gee diens!

Ons gee gratis vriendelike bediening!

FOTOKUNS

Tomstraat 82 — Telefoon 3185
sentrum vir fotografie, grammofoonplate, kunsvlyt

MASSAFLIEK

Saterdag 9 Junie trek die Pukke in 'n massa op om te gaan flik as die veelbesproke rolprent, *Ben Hur*, in die Grand Teater draai.

Die prys per persoon is 47c. Plekke word vir die Puk-massa gereserveer tussen die rye M en W. Bykomende vervoerkoste van 10c per persoon sal gehef word.

Persone wat in die dorp bly moet voor of op Donderdag 31 Mei hul name op die kennisgewingbord plaas. Die plekke moet bespreek word voor 1 Junie en daar is slegs 280 plekke beskikbaar.

Die Geselligheidskomitee vra die hartlike samewerking van elke Puk in hierdie verband.

Joubert Meubels

KERKSTRAAT 201 — POTCHEFSTROOM — TELEFOON 21
VIR MODERNE MEUBELS EN ALLE HUISHOUDELIKE TOERUSTING

Ons spesialiseer in die verskaffing van die jongste plaatopnames — Kom besigtig ons groot reeks.

Wes-Transvaalse SPORT- WINKEL

Kerkstraat 85

enigste
verskaffer
van

Offisiële
Kleure

SUPERETTE

Tomstraat 100
Potchefstroom

Gerieflike en moderne self-
bediening waar u 'n groot
verskeidenheid kan kry van

KRUIDENIERSWARE,
KOMBUIBENODIGDHEDE
en
GROENTE teen laer pryse.

Fleurette Bloemiste

Sleep in by:

*Fleurette vir julle blomme
Spesiale afslag.*

Kerkstraat 143 — Telefoon 709

A J A X

Boeke en Skryfbehoeftes
(Edms.) Bpk.

Telefoon 3458

Posbus 43

Kerkstraat 159, Potchefstroom

Lucille

die deftigste
DAMESWINKEL
in die dorp.

Onthou 3091

Skakel hierdie nommer
vir
diens!

DIE BULT APTEEK

Tomstraat 86

Ons spesialiseer in:

★ INNOXA,
LENTHERIC, COTY-
Skoonheidspreparate.

★ Egte Franse DANA
PARFUUM, en

★ Aptekersbenodigdhede

Ondersteun Oud-Pukke

„Die Wapad” word gedruk deur
Potch. Herald (Edms.) Bpk., Olën-
laan 11, Potchefstroom vir die uit-
gewers, die S.R. van die P.U. vir
C.H.O., Potchefstroom.

die Wapad

Weereens IN U LIG

In die eerste inleidingsarti-
kel van hierdie jaar het skrywer
hiervan die klem laat val op die
noodsaaklikheid dat ons in *han-
del, spel en werk* die beginsel
van die Universiteit, soos vervat
in ons leuse IN U LIG, sal
uitlewe.

Elders in hierdie uitgawe
verskyn 'n brief waarin die skry-
wer dit het teen diegene wat wel
aan ons Universiteit ingeskrywe
is, dog nie ons leuse (en daarmee
ons beginsel) goedgesind is nie.

Dit is goed as Universiteit-
studente hulle van tyd tot tyd
besin oor die begrip *lojaliteit*
aan my *Alma Mater*.

Elke student wat aan 'n se-
kere universiteit inskryf, verge-
wis hom vooraf van die gees en
rigting van daardie universiteit
en dit behoort ook die mees ge-
wigte rede te wees waarom
daardie betrokke universiteit sy
keuse is.

Die akademiese opleiding
aan 'n universiteit word immers

bepaal deur die lewens- en wê-
reldbeskouing wat aan daardie
universiteit gehandhaaf word en
dit is die student se eie keuse
om in daardie spesifieke atmos-
feer sy akademiese vorming te
ontvang.

Maar akademiese vorming is
nie die enigste aspek waarmee
'n student op universiteit kennis
maak nie. Daar is ook 'n stu-
dentelewe. Hierdie studente-
lewe dra grootliks by tot die karak-
tervorming van die student en
bepaal grotendeels die gees
waarin hy sy latere roeping sal
benader, en waarin hy sy sosiale
optrede sal klee.

Ek glo dat die gees en rigting
van die Potchefstroomse Univer-
siteit vir Christelike Hoër On-
derwys geen beter bekendstel-
ling nodig het as in die naam van
ons Universiteit nie. Elke student
weet dus presies wat hom te
wagte is as hy sy skrede hierheen
wend. En elke student is moreel
verplig om *lojaal* te bly teenoor
hierdie gees en rigting wat sy
eie keuse was!

Besoek aan A.S.K.

Die plaaslike tak van die
A.S.B. het 'n besoek gebring aan
die Afrikaanse Studenteklub van
Wits, en beoog 'n besoek aan
die Afrikaanse Studentekring van
die Universiteit Natal, te Pieter-
maritzburg.

Dit kan beslis bestempel word
as 'n lofwaardige poging. Op
hierdie wyse van noue kontak
alleen, kan die student van die
Afrikaanse universiteite op hoog-
te kom van die probleme waar-
mee sy mede-Afrikaner aan die
Engelstalige universiteite worstel.

Maar meer nog — op hier-
die wyse kan die ware beginsel
van die Afrikanerstudent weer

opnuut tuisgebring word by hier-
die mense wat gedurig moet stry
om kop bo water te hou in die
maalstroom van liberale rigtings
wat aan die Engelstalige univer-
siteite om hom kolk en dreig om
hom onder te trek.

Dit het miskien tyd geword
dat die Afrikanerstudent, wat
nou 'n hegte eenheid vorm in 'n
krachtige A.S.B., besondere aan-
dag skenk aan diegene wat die
voorreg van die A.S.B. ontsê is,
en sodoende hierdie mense wat in
wese een met ons is, in staat stel
om daardie eenheidsgevoel te
ervaar en uit te bou.

Dit sal die korrekte stap
wees in die rigting van die een-
heid van alle *Suid-Afrikaanse*
studente!

REDAKSIE

Hoofredakteur	Idyll van der Walt.
Assistentredakteur	Leon Croesêr.
Tegniese redakteur	Marius Aucamp.
Interuniversitêre redakteur	Frikkie van Deventer.
Nuusredakteur	Fanie du Plessis.
Sportredakteur	Tonie Richards.
Variaredekteur	Johan Serfontein.
Variaredekteur	Francoise Coetzee.
Kunsredakteur	Trudi Gey van Pittius.
Sekretaresse	Margaretha Bingle.

Cachet Modes

(EDMS.) BPK.

TOMSTRAAT 92

TELEFOON 1389

POTCHEFSTROOM

★

Mooi wintermateriaal

★

Nomotta-wol in voorraad

In A Lig

„Toe het ek nagedink om dit te
verstaan, maar dit was moeite in
my oë, totdat ek in die heilig-
domme van God ingegaan en op
hulle einde gelet het.”

— Psalm 73 : 16—17.

Waar kry ons die regte insig oor die verloop van ons eie
lewens en oor die voortgang van die mensheid as geheel? En
wat is hierdie regte insig?

Asaf het geworstel met die dinge wat hy rondom hom gesien
het en wat vir hom in stryd gelyk het met die beloftes van God.
Vir die gelowige is daar altyd verdrukking niteenstaande hy hom
rein probeer hou. Die goddelose geniet voorspoed al verhef hy hom
teen God en al betwyfel hy die alwetendheid van God.

Dit was vir Asaf 'n omge-
keerde uitdeling van straf en ga-
wes deur God. Toe het hy nage-
dink om dit alles te verstaan,
maar hy kon geen oplossing vind
nie. Die probleem het vir hom
moeite gebly.

Waarom moet hy, die vrome,
ly, en waarom staar die voor-
spoed van dié wat God smaad
hom altyd in die aangesig? Al
sy moeite was tevergeefs — hy
kon geen oplossing vind nie. En
toe het hy begin wonder waarom
kon hy nie ook maar die mooi
gebaande weg van die godde-
lose gaan nie.

Maar die Here het hom be-
waar sodat sy voet nie uitgedy
het nie. Deur die genade van
die Here is Asaf na sy eie ver-
geefse poging na die heiligdom-
me van God gebring. Alle eie
pogings het hy nou laat vaar en
soos 'n klein kindjie by sy vader
het hy by sy Vader geword. In
die gebed het hy in die tempel
gaan neerval en God gesmeek om
die regte insig. Toe het God dit
aan hom geopenbaar.

Watter radikale verandering
het daar nou in sy insig gekom?
Nou sien hy dat God dit anders
sien as hy. Sy blik het net oor
'n beperkte afstand gegaan, nie
oor die volle bestaan van die
mens nie. Teen die rots van die
dood het sy blik weggeskram en
verder kon hy niks sien nie. En
met hierdie beperkte uitsig het
hy byna daartoe gekom om reg
of onreg by God te beoordeel.
Waarlik, hy verdien die toorn
van God, want sy voetstap het
amper uitgedy, maar God is
goed vir hom. Hy was soos 'n

domme dier by die Here.

Wat toon die Here hom nou?
Die gebaande weg van die god-
delose sal glad word en al glad-
der totdat hy nie meer sal kan
bly staan nie en hy sal neerstort
soos 'n gebou in puin. Hulle uit-
einde sal dus tog wees soos God
dit aan sy gelowiges bekend ge-
maak het en nie soos die skyn
om hom bedrieg het nie.

Maar hyself, wat van hom
en die vromes? Waarlik, God
het al die tyd sy regterhand ge-
vat en dit gehou, en toe hy hom
net blindgestaar het op die dinge
rondom hom het hy nooit besef
dat hy aan die hand van God
wandel nie. Asof hy nou in die
tyd van die Nuwe Testament
staan, kan Asaf uitroep: „Waar-
lik, U het my hand in Jesus
Christus gevat!” Al die tugti-
ging, smart en pyn was niks an-
ders as die raad van God waar-
mee Hy hom gelei het nie.

Saam met Paulus kan hy nou
sê: „As ons net vir hierdie lewe
op Christus hoop, dan is ons die
ellendigste van alle mense.” En
is dit nie juis wat hy wou doen
nie?

Laat ons saam met Asaf ju-
bel soos hy gejubel het nadat
God hom die regte insig gegee
het: „Wie het ek in die hemel
buiten U? Buiten U begeer ek
ook niks op die aarde nie.” Laat
ons in die verwarrende kronkels
van ons eie weg en die weg ook
van die volkere nooit die weg
van God, die weg wat in sy
Woord geopenbaar is, vergeet
nie.

Amen.

M. A. Kruger.

U het volop keuse in ons groot
verskeidenheid

Boeke vir Studie en vir

Ontspanning

PRO REGE-PERS BEPERK

„Die Potchefstroomse Boekhandel”

Kerkstraat 91—95

Telefoon 1164 & 497

Borcherdstraat

Telefoon 3431

POTCHEFSTROOM

VRIENDELIKE DIENS EN MEUBELS VAN GEHALTE

Transvalia Meubels

FOON 2157 — KERKSTRAAT 180

POTCHEFSTROOM

Besoek ons vir Vriendelike Diens en Meubels van Gehalte

Ons meubels word erfstukke.

Vreugdedag op besondere wyse afgesluit

Op die aand van Saterdag 12 Mei het Vreugdedag op 'n heel besondere wyse ten einde geloop — net daar waar dit 36 uur vantevore op 'n ewe hoë noot begin het — agter die Chemielaboratorium.

SKERMKLUB GESTIG

'n Splinternuwe sportsoort het sy kop aan die universiteit uitgesteek in die vorm van 'n Skermklub wat in Maart vanjaar gestig is. Die persoon van wie die inisiatief uitgegaan het is mnr. Deon Kühn, 'n nagraadse student in Fisika, wat ook die afrigting waarneem.

Belangstelling in hierdie sport lyk heel belowend en die ledetal van die klub staan reeds op sowat 15 lede wat gereeld op Maandae en Donderdagaande van 6.45 tot 7.45 in die Gimnastieksaal van die universiteit kom oefen. Aangesien intensiewe voorbereidingswerk nodig is, alvorens 'n skermer 'n teenstander kan aandurf, sal die klub nie onmiddellik enige wedstryde reël nie, maar eers die lede in die fynere kuns van hantering van die folet, aanval en verdediging onderrig.

Persone wat reeds die folet met vaardigheid hanteer is mej. Stigling, mnr. Kühn en mnr. Hans Messerschmidt.

Volgens van die afrigter verneem word is die klub begerig om onder patronaat van die S.S.B. en die Studenteraad in te skakel. Wanneer tot hierdie stap oorgegaan word sal dit beslis 'n aanwys vir die S.S.B. wees.

Dit het al 'n instelling geword dat daar na Vreugdedag 'n konsert of 'n filmvertoning in die Studentesaal aangebied word. Hierdie jaar het die Vreugdedagkomitee inisiatief aan die dag gelê en met iets heel nuuts voor die dag gekom. Deur 'n tydelike verhoog op die oop stuk grond agter die Chemielaboratorium op te rig, is daar 'n opelug teater gevorm.

Oorspronklikheid

Nadat wors en toebroodjies geëet en koffie gedrink is, het die pare hulle op reisdekens om die verhoog vergader om die items, aangebied deur die verskillende koshuise, te geniet. Oorspronklikheid tel op so 'n aand meer as afronding en die items het dan ook in hierdie opsig nie te kort geskied nie.

Veral Heimat se Vuurpyllansering, Klawerhof se „Aïda“, Piet Groblerhuis se „Eerstejaarsiklus“, en Kulu se „Moord in die Rooi Skuur“ was verrassend nuut. Ook die stuk „Julius Caesar“ deur Uitspan het die lagspiere geprikkel. Hoe kan dit ook anders as Caesar en die ander lede van die Triumviraat praat van: „...geesvang in die „Queens“ ...al daai jazz“ en „Kwaad kat“!

Nadat die verrigtinge amptelik afgesluit is, het die groepies om die oorblyfsels van Heimat se vuur vergader waar daar spontaan saamgesing is. En so, saam met die al flouer brandende stompe, het Vreugdedag ten einde geloop.



Foto: Fotokuns.

Gesiene figure het meegehelp met die vlotbouery vir Vreugdedag. Die regterkantse skuinry van onder na bo is Hans van Zijl, Cassie van der Walt en Piet Steinberg. Links is Koo du Plooy en sy donkie. (Die een met die hoed is Koo).

P.U. speel rol in groot skema

Benewens die gewone lesings wat hulle gee, het die dosente verbonde aan die Departement Aardrykskunde van die P.U. 'n belangrike aandeel in 'n hele paar groot ondernemings wat tans in ons land aan die gang is. Een daarvan is die veelbesproke Oranjerivierskema.

In samewerking met Ontwikkelingsvereniging van Noord-Kaapland beoog hierdie mense, prof. J. S. van der Merwe, mnr. J. P. Duvenage en mnr. W. J. Voordewind, om die ontwikkelingspotensiaal van die gebied waarbinne die Oranjerivierskema val, te bepaal.

Met die oog op die verdere ontwikkeling van industrieë in hierdie gebied, maak hulle veldopnames en bepaal hulle die hoeveelheid water wat daar is en wat nodig sal wees, die arbeids-toestande en die minerale, om sodoende die industriële potensiaal van die gebied vas te stel.

Hierdie werk is, soos te verstaan, van groot belang om die Oranjerivierskema in sy uiteindelijke doel te laat slaag.

Fondse skep op die oomblik nog 'n probleem. Om die werk te vergemaklik het die Universiteit reeds 'n Landrover vir die departement aangekoop.

'n Ander onderneming waarby mnr. Duvenage betrokke is, is die beplanning van watergebruik uit die Vaalrivier. Hierdie onderneming word aangepak deur verskillende liggame, waaronder Oranje-Vrystaatse Kamer van Mynwese, die W.N.N.R., asook verskeie munisipaliteite en ontwikkelings verenigings.

Dit het ten doel die oordeelkundige gebruik en bewaring van die Vaalrivier se water. Veral omdat waterbesoedeling en vermorsing in die laaste tyd so

onrusbarend toegeneem het, kan hierdie onderneming niks anders as goeie vrugte afwerp nie.

'n Laaste groot onderneming waarby lede van hierdie departement ingeskakel is, is 'n fisiese opname van die grensgebiede van Messina tot Bechuanaland.

Free Haircut for Nusas President

Admirers of Mr. Adrian Leftwich, President of NUSAS and Mr. Dennis Hunt, Vice-President of Wits SRC, can obtain lockets of their hair at a spot in the veld three miles from Pietersburg in the Northern Transvaal.

Above-mentioned persons had their hair cut there on Monday, May 1st. The persons were ambushed. They were waved down by three motorists, whose car had apparently broken down. Another car, which was following close behind, immediately drew up in front of Mr. Hunt's car, thus preventing escape. Six of the eight men seized Mr. Leftwich and Mr. Hunt and, after a short scuffle, led them into the veld, muttering, "Now we've got you," and other slogans. The other two let down the tyres of Mr. Hunt's car. There under the stars above-mentioned persons were tonsured with a pair of shears.

When asked for an explanation the hooligans said, "You know well enough". The men referred to an unspecified incident at a hotel in Tzaneen. Mr. Leftwich protested that they come from Turfloop and had been nowhere near Tzaneen. The press-gang barbers then made off in their cars, leaving their victims to walk back to Pietersburg.

(Varsity, Woensdag 9 Mei 1962)

P.U. se geskiedenis radikaal verander

'n Paar baie interessante „veranderings“ is deur die kandidaat in die pasafgelegde Studentehandboekeksamen aangebring in die veelbewoë geskiedenis van ons studentelewe.

'n Dametjie wat seker baie in fisiologie belang stel en vir haarself 'n baie realistiese voorstelling gevorm het van die onderliggame in ons studentelewe, beweer dat die onderliggame van die A.B.K.K., die voorsitter, ondervoorsitter, sekretaris en penningmeester is!


Dit laat mens daaraan dink dat mense soos Jan Boneschans en Jozua Welding dalk aan sulke kompetisies soos Mnr. Onderliggame kan deelneem!

Die mees radikale verandering wat hierdie mense graag wil te weeg bring, is om Mnr. Piet Venter erken te kry as die eerste voorsitter van Korps V.V.!

Calvijn!

Dit was ook baie interessant om te verneem dat die gesagsbeginsel van ons studentelewe, dit is die Calvinistiese gesagsbeginsel, sy ontstaan te danke het aan Calvijn die Grote!

Verdere uitdrukkings wat die nasieners gryshare besorg het, is Fac et Sparta en Veritas VinceNt!



Prof. J. S. van der Merwe

Besoek aan die A.S.K. te Wits

Die plaaslike A.S.B.-tak het Vrydag en Saterdag 19 en 20 Mei, 'n besoek gebring aan die Afrikaanse Studenteklub van die Universiteit van Witwatersrand. In 'n debat wat gehou is op Saterdagoggend, is daar op die probleem ingegaan of „Demokrasie uitgedien is of nie.“

Die standpunt wat die PUK verdedig het, was dat demokrasie nog nie uitgedien is nie en as sprekers het mnr. Paul Kruger en mej. B. Geertsema ons standpunt gestel. Die sprekers van beide inrigtings het hulle baie goed van hulle taak gekwyt sodat 'n lewendige bespreking gevolg het.

Die besoek wat ook die vorm van 'n welwillendheidsbesoek aangeneem het, was baie geslaagd sodat die Pukke wat daar was nie uitgepraat kan raak oor die gasvryheid wat hulle daar teëgekome het nie. Vrydagaand is die Pukke deur die A.S.K. onthaal op 'n vertoning van „The Vagabond King“ wat juis op daardie stadium deur studente van genoemde Universiteit opgevoer is.

Deur so 'n besoek kom mens terdeë bewus van die probleme wat 'n Afrikaanssprekende student het om sy identiteit op 'n Engelstalige universiteit te handhaaf en sou mens graag meer sodanige besoeke wil reël, om sodoende aan hierdie mense te toon dat ons simpatie en vertroue in hulle stryd het.

PUKKE VERKOPE GROOT SUKSES

Die Pukkie het vanjaar na groot ovasie en reklame oor die hele kampus, op Donderdag 3 Mei sy verskyning gemaak. 'n Groot verspreidingsveldtog met busse, motors, die P.U. se twee vervoermiddele en 'n trein is op Saterdag 5 Mei na al die omliggende dorpe en selfs die Vrystaatse goudvelde onderneem.

Sukses

Die hele onderneming is met sukses bekroon en die redaksie bereken dat daar ongeveer 13,500 van die 20,000 eksemplare verkoop is. Met meer belangstelling van die kant van die studente kon die hele oplaag egter van die hand gesit gewees het. Hoewel die redaksie geen moeite ontken het vir die reël van voldoende vervoer, en dit hulle 'n groot swaer gekos het, was daar van die kant van die studente weinig reaksie op die herhaalde oproepe wat daar op hulle gemaak is.

Omtrent negentig persent van die persone wat op daardie dag in Potchefstroom en ander dorpe behulpsaam was met die verkope van Die Pukkie was eerstejaars. Dit toon duidelik 'n gebrek aan belangstelling by die seniorstudente wat tog meer ervaring het om joolblaai te verkoop as die eerstejaars wat nog so rou is dat hy nie eers weet hoe om die persoon aan wie hy 'n Pukkie wil verkoop, aan te spreek nie.

Nieteenstaande dit alles het die eerstejaars egter groot ondernemingsgees aan die dag gelê en reeds van Don-

derdag af die hele dorp met Pukkies oorlaai en nog Saterdag aan die verspreiding elders deelgeneem. Selfs die van hulle wat gekortwiek was deur die Fisika-toets wat hulle op daardie dag moes skryf en wat onmoontlik uitgestel kon word, het hulle deel bygedra.

Onder die geleedere van die paar seniorstudente wat hulle steun aan die saak gegee het, was die merendeel dames. Die P.U. kleurbaadjie hier en daar, en die leiding van hierdie persone het die verkope darem so effens aangehelp.



Dit is die snit wat tel...

- ★ Alba Broeke
- ★ Mentone Pakke
- ★ Monatic Hemde
- ★ Battersby Hoede
- ★ Gregory Sokkies

J. TOD SUTTIE Die Mansuitrusters

Posbus 219 — Foon 1 Potchefstroom

KUNSFEEES BIED RYKE VERSKEIDENHEID

Die A.S.B.-kunsfees word vanjaar tydens die A.S. B.-kongres in Stellenbosch gehou en duur vanaf Maandag 2 Julie tot en met Vrydag 6 Julie.

'n Volkspiegroep van agt pare is reeds gekies vir die Kunsfees en mej. Trudie Gey van Pittius sal eersdaags 'n rollesing vir die Kunsfeestoneelstuk hou. Daar word gehoop dat baie mense vir die rollesing sal opdaag. Daar kan verder vir die volgende afdelings ingeskryf word:

Voordrag:

- Poësie.
- Prosa.
- Komiese voordrag.
- Komiese prosa.
- Dramatiese en komiese monoloog.
- Onvoorbereide lees.
- Bybelse voordrag.

Die deelnemers word ingedeel in Mans en Dames 20 jaar en jonger en Mans en Dames oop.

Verder is daar 'n afdeling: Dramatiese of komiese samepraak — oop.

Uitstalling van Beeldende Kunste, met onder andere die volgende afdelings:

- Beeldhouwerk.
- Skilderkuns.
- Piouterwerk.
- Kunsnaaldwerk.

Fotografiese uitstalling:

- Swart en wit foto's.
- Kleurafdrukke.
- Kleurskyfies.

Letterkunde:

- Kortverhaal.
- Essay.
- Poësie.

Daar is geen beperking van die aantal stukke wat ingestuur kan word nie. Die persoon wat die

beste hydrae lewer, sal 'n prysgeld van R50 ontvang.

Koorkompetisie.

Duet, trio en solosang.

Solosang.

Instrumentaal.

- Klaviërsolo.
- Klavierduet.
- Twee klaviere.
- Viool.
- Ensemble.
- Ander instrumente.

Boereorkes.

Die trein na Stellenbosch vertrek op Vrydag 29 Junie en word weer gehaal op Saterdag 7 Julie.

Verblyf sal vir die studente van die verskillende universiteite in die Universiteitskoshuise gereël word.

Die plaaslike A.S.B.-tak sal 'n groot gedeelte van die reis- en verblyfkoste van die studente hydra. Na verwagting sal geen persoon meer as R10 hoef by te dra nie.

Mej. Erina van der Walt en mnr. Idyll van der Walt tree op as reisouers.

Verlede jaar het Tukkie en Pretoria Normaal as ook die Pote, die Pukke heeltemal oorskadu, in getalle sowel as in items. Hierdie jaar gaan dit egter nie gebeur nie. Hoekom? Want dit is Stellenbosch, dit is in die mooiste tyd van die jaar, dit duur net vir 'n week en daar is 'n klomp Pukke bymekaar wat die P.U. se naam hoog gaan hou.



Mej. Erina van der Walt

BIBLIOTEEKVERENIGING VERGADER

Die Wes-Transvaalse tak van die Suid-Afrikaanse Biblioteekvereniging het op Woensdagaand 16 Mei 1962 hulle eerste vergadering van 1962 en ook die laaste vergadering van die ou bestuur onder voorsitterskap van prof. H. C. van Rooy, die universiteitsbibliotekaris, in die personeelkamer van die universiteitsbiblioteek gehou.

SOUTH AFRICA DEVELOPING RAPIDLY

RAPID development taking place in South Africa was stressed by the Chairman of ISCOR, Dr. F. Meyer, when he opened a new factory for Thomas Barlow and Sons at Kempton Park. Dr. Meyer drew attention to the tempo of development and the further major developments planned.

He specifically mentioned developments at Iscor, Escom, the South African Railways, Sasol, fertiliser works, involving the expenditure of many millions of rands, to name but a few, and also the recently announced "imaginative and stirring" Orange River Development Project — schemes meaning greater requirements of equipment for factories, transportation, excavation, road-making and farming.

Great road-building programmes were unavoidable, particularly if road safety was kept in mind. "In a country such as ours," he added, "the conservation of soil and water is essential, and it is in this field also that earth-moving equipment will certainly in future be called upon to do herculean tasks."

— Unitel.

KLEINER KORINGOES

Na verwagting sal die huidige kafferkingoes meer as 'n miljoen sak kleiner wees as verlede seisoen se oes.

Volgens verslae wat van oesverlaggers teen die einde van Maart 1962 ontvang is, skat die Afdeling Ekonomie en Marke dat die huidige seisoen se kafferkingoes op 2,150,000 sak van 200 pond elk. Volgens 'n hersiene skatting het verlede seisoen se oes 3,518,000 sakke beloop. Hierdie skatting sluit in 'n syfer van 265,000 sak vir Bantoegebiede vir 1961-62, teenoor 726,000 sak per 1960-61. Die Departement van Bantoe-administrasie beraam die produksie vir die Bantoegebiede.



Prof. H. C. van Rooy

By hierdie geleentheid het prof. Van Rooy die lede toesprek oor die rol van die biblioteek in die intellektuele lewe van die Republiek en het veral klem gelê op biblioteeksamewerking. 'n skema waaraan die aksiekomitee van die S.A.B.V. reeds sedert 1959 aandag skenk en waarvoor daar nou 'n reeks voorstelle opgestel is. Hierdie voorstelle van die aksiekomitee sal in November vanjaar voor 'n nasionale konferensie van biblioteekowerhede, wat deur die minister saamgeroep word, gelê word. In Junie sal hierdie saak ook op 'n spesiale konferensie van die S.A. B.V. in Johannesburg aandag geniet.

Inleidend tot sy toespraak het prof. Van Rooy die verskillende soorte biblioteke en die owerhede en instansies wat hulle onderhou bespreek. Hieruit is dit duidelik dat dit vir een biblioteek onmoontlik is om alle werke wat op elke vakgebied elke jaar gepubliseer word, aan te koop. Finansies en personeel vir die voorbereiding en ingebruikstelling van hierdie materiaal is heeltemal ontoereikend. Aan die ander kant moet die biblioteek tog op hoogte wees met die ontwikkeling op vakgebied en moet hy op elke gebied uitgebrei word. Terselfdertyd moet die opbou van 'n logge versameling; gemeet in boekdele, bekamp word.

Hoe nou gemaak?

Samewerking

Dit is met die oog op hierdie probleem dat die aksiekomitee wil voorstel dat 'n nasionale biblioteekdiens in die Republiek daargestel moet word op 'n basis van samewerking tussen biblioteke dwarsoor die land. Sodoende sal 'n boek wat deur een biblioteek aangeskaf is, by geleentheid aan 'n ander biblioteek beskikbaar gestel word. Dit sal meebring dat enige werk van enige biblioteek vanuit enige deel van die land aan enige persoon wat so 'n werk nodig mag hê, beskikbaar gestel sal word.

Op hierdie basis sal alle biblioteke in die land, elkeen met sy uiteenlopende aard en funksie, deel vorm van die nasionale biblioteekstruktuur en so hydra tot die bevordering van studie en navorsing in die Republiek van Suid-Afrika.

Suid-Afrikaanse Spoorweë Vakatures vir

werktuigkundige, siviele, elektrotegniese en sinjaalingenieurs, metaalkundiges en bestekopmakers.

Die Suid-Afrikaanse Spoorweë bied talle aantreklike loopbane met uitstekende vooruitsigte aan persone wat vir aanstelling in die bogenoemde beroepe gekwalifiseer is.

Aanvangsalaris:

Assistent-ingenieur R1,899 p.j.
Bestekopmaker wat die graad-
kursus voltooi het R1,899 p.j.
Bestekopmaker wat die
diplomakursus voltooi het R1,773 p.j.
Metaalkundige R1,773 p.j.

Daar bestaan ook vakatures vir gegradueerdes wat opgelei wil word as administratiewe amptenare. Sodanige kandidate word as klerke teen die volgende aanvangsalarisse in diens geneem:

Aanvangsalaris:

Indien in besit van:
(i) 'n baccalaureusgraad wat

'n minimum studietydperk van drie jaar vereis R1,344 p.j.

- 'n honneursgraad (of 'n gesertifiseerde verklaring dat daar aan die vereistes vir die teoretiese gedeelte van die magistergraad voldoen is), of 'n baccalaureusgraad wat 'n minimum studietydperk van vier jaar vereis R1,488 p.j.
- 'n magistergraad R1,632 p.j.
- 'n doktorsgraad R1,776 p.j.

Inligting oor diensvoorwaardes, ens. kan van die Hoofbestuurder, Suid-Afrikaanse Spoorweë, Kamer 38, Johannesburg, verkry word. Aansoeke om indiensneming moet aan dieselfde adres of aan die Afdelingsbestuurder, Kaapstad, Kimberley, Port Elizabeth, Oos-Londen, Bloemfontein, Durban, Johannesburg, Pretoria of Windhoek gerig word.

DOEN DIT VANDAG!

WARM UIT DIE OOND OP DIE CAMPUS

Met Vreugdedag agter die rug en langnaweek voor die gesig, kan 'n mens nou weer slag-gie rustig agteroor sit of lê, en die omgewing en omstandighe-de op jou gemak beskou. In ons gejaagde lewe vlieg die mooi dinge van die lewe ongemerk verby want meer en meer asters ry deesdae op bromponies en „olie-seperytters”.

Dit is vir my tog so mooi as ek sien dat die Puk-gemeenskap in hierdie haastige eeu nog tyd kan vind om Vreugdedag te hou, ten spyte van die smartvolle dae wat ons op die akademiese slagveld slyt.

Noudat Vreugdedag ook iets van die verlede is het nog 'n bakken in die stowwerige pad van 'n student agter gebly.

Gelukkig is die langnaweek nou al baie naby. Ek moet julle egter waarsku dat 'n mens nooit alle hoop vir rus op 'n langnaweek moet vestig nie, want 'n langnaweek is net soos 'n slesper se arm; voor 'n mens kan keer dan is hy om.

My politieke verslaggewer berig dat die kys van Gatland en Thaba Jäh amper gesneuwel het omdat Gatland in Kulu begin belang stel het. Alles is egter sedert Vreugdedag weer op die ou paaie want Dinsdagaand het die mans by die dames gaan tee drink en is die kys so spring-spring herstel.

Hierdie twee koshuise sal teen die begin van Junie die eenjarige bestaan van hul kys vier. Gatland is baie trots op hierdie prestasie wat nog deur geen ander koshuis reg gekry is nie.

'n Mens sal hierdie heuglike dag egter eers moet sien, want Over-de-Voor het verlede Maandagaand (20 Mei) op 'n massabasis met Thaba Jäh gesleep. Die politieke verslaggewer maak geen melding van militêre spanninge tussen Over-de-Voor en Gatland nie. By die perse gaan van hierdie nuus was daar nog geen ongevalle nie.

Verder berig die misdaad-verslaggewer dat die nagtelike kavalier wat Thaba Jäh se dames so opgewonde gehad het deur sy versameling van aandenkings, nou sy bedrywighede ingekort het. Dit alleen is geen rede vir opgewondenheid nie, maar die kleur van die hele saak is die feit dat hy dit in die nag doen, en van die vensterbanke sy toonbank maak. Alles kan nog gaan, maar was dit nou nodig om ses gloeilampies teen hom te gebruik. Sleepplek en sleeptyd is juis al 'n luukse besitting wat met die grootste sorg gebruik moet word. Sleep is nou juis een van daardie dinge waar donkerwerk nie konkelwerk is nie.

Maar wag, dit is nie al wat hier om ons aangaan nie. Hier word ook gesleep! Behalwe Vreugdedag, langnaweek, intervarsity en massa-fliëks is die slepery die belangrikste doel wat die Puk dien. Die akademie is oorspronklik ingevoer vir die vermaak van die ouens wat nou en dan deur gesleep raak, en vir die tydverdryf van die proffies.

Mense wat getrou bly aan die oorspronklike doel van 'n universiteit is o.a. Chris König en Trudi Gey von Pittius. Op Vreugdedag het hulle besluit om dit 'n dubbele vreugde met hul kys te maak.

Piet Calitz het van sy senioriteit gebruik gemaak om 'n onskuldige en weerlose eerstejaar, Aletta van der Westhuizen te oorrompel met sy liefde. Die komplikasie is 'n kys.

Teertse Vorster en Legonda van Zyl-Smith het besluit dat dit

beter vir hulle sal wees om hul finale jaar „saam” op die Puk deur te bring.

Nog 'n persoon wat besluit het om van die eerstejaars met persoonlike leiding by te staan is Frans Schutte wat Henriëtte Samuëls hok geslaan het.

Blykbaar geld bg. verduideliking ook vir Pietman Botha en Rika de Lange.

Oor die geval van Jan Mook en Drika Graphorn kan 'n mens op hierdie stadium nog net wonder...

Daar is nog die kys van Wilna Krüger en Hennie Viljoen ook. Eintlik is hy al oud, maar nooit koud. (Die kys word bedoel).

Hans Vahrmeyer en Mada Vorster is een van daardie paartjies wat net aan vaste verhoudings glo — 'n kys is vir hulle iets uit die bese. Onthou net dat die term nie die praktyk verander nie.

Desiré Joubert en Ben Bierman se kys het Maandag bekend geword. Hoe lank daar in die geheim gewerk is, weet ons nie.

Verder het die landbou-kollege al groter indruk begin maak op die Puk-dames. Tokkelokke, aptekers, onderwysers en ekonome het blykbaar nie dieselfde invloed as aspirant boere nie. Die toekomstige boervrouens is: Sarie Rahe wat Kalie Bosch se nek in die strop gesit het. Ander kombinasies wat soos hoenders en mieliepitte bymekaar pas is Zuna Vosloo en Willie Smit; Ria Lourens en Bok Steynberg en Johanna du Toit en Willem Kruger. Dan verneem ons dat ou Charlie Koen die blare van die akkerbome afluk sodat hy die dames wat agter Gatland verbyloop, beter kan sien.

● Wat die moeite werd is om gedoen te word, is die moeite werd om goed gedoen te word. Onthou dit as jy besig is om niks te doen!

Onze Oom Lokomotief.

BELOWENDE GHOLFSPELER

'n Nuwe sportgogga wat etlike Pukke gebly het, is die gholfgogga. 'n Klub is gestig en die ywer van die lede is besonder hoog.

'n Belowende speler van wie nog baie gehoor gaan word, is Des Brown, 'n eerstejaarstudent. Brown het reeds sy tande gewys in die kompetisies van die Potchefstroom-klub, en dit sal interessant wees om hom dop te hou wanneer die Pukke hulle eie kompetisie begin aanbied.

Die klub, wat onder voorsitterskap van mnr. Anton Dreyer staan, beoog om later by die georganiseerde sport van ons studente te skakel.

● Dit is egter jammer dat nuwe sportklubs soos hierdie soveel spelers van reeds bestaande klubs trek. Georganiseerde klubs onder patronaat van die Studenteraad het tog die eerste reg, en indien daar nie 'n basis van samewerking gevind kan word nie, is dit hulle wat die spit gaan afbyt in die Wes-Transvaalse liga.

ONDERSTEUN

ONS

ADVERTEERDERS



Mnr. N. Raubenheimer

Geagte Redaksie,

My skrywe is bedoel om my teleurstelling en kommer, maar tegelyk ook my misnoë uit te spreek teenoor die liberalistiese en humanistiese gees wat die studente van die Puk, as individue en as ongeorganiseerde groepe openbaar. Dit staan vas dat die gereformeerde gees van ons universiteit nie deur ons leuse „In U lig” of die „vir C.H.O.” bewaar sal word nie. Maar dié saak lê in die hande van die studente self.

Nou is dit vir my duidelik dat die gees onder ons studente weg beweeg van hierdie gees en tradisie wat vir ons byna heilig is. En as dit so aangaan sal sy spesifiek gereformeerde karakter binne kort verdwyn. Mens merk hierdie onderstroming in ons studentelewe byna daagliks op: by verkiesings word daar georganiseer om die tokkelokke uit die besture en rade te hou; in koshuise verslap die beheer van die ouhere en oudames oor die eerstejaars a.g.v. 'n liberalistiese en humanistiese lewens- en wêreldbeskouing; op vergaderings word gepoog om die gereformeerde beginsel onder te dwing; 'n oneerbiedige houding teenoor die godsdienste heers in die eetsale. Kortom, daar word daagliks doelbewus gepoog om die karakter van ons inrigting in sy wese aan te tas.

Nou wonder ek wat soek sulke linkse mense aan die P.U. vir C.H.O. Voor hulle na die Puk gekom het, was hulle bewus van die gereformeerde karakter van die Puk. Toe het dit hulle vrygestaan om hulle keuse op 'n ander universiteit te laat val, en dit staan hulle nou nog vry om na 'n ander inrigting te gaan. Ek is daarvan oortuig dat studente met so 'n linkse houding beslis geen grond vir verset het nie — hulle het immers geweet waarin hulle hulle begewe. Die wat dan nogtans bly, moet dan maar by die staande toestande berus.

Aan die ander kant is dit die taak van die draers van die gereformeerde beginsel, wat in die meeste gevalle so loutoos staan in die uitlewing daarvan, om hulle self te ondersoek om te suiwer want dis hulle taak om die unieke karakter van die Puk te waarborg.

Dankie.

P. J. J. S. Potgieter.
16 Mei 1962.

INSLEEP

Dames en Here.

Kom besoek die

Afrikanerkafee

Ons is altyd tot u diens.
Kom geniet 'n glas vars melk, 5 sent per pint.

ALABAMA KLA

Geagte Redaksie,

Na aanleiding van die hoofberig in „Die Wapad” van 9 Mei „Alabama op toer”, moet enkele gedagtes van die hart.

Waar ek genoem word as die persoon wat besondere interessantheite aangaande die aanstaande A.S.O.-toer verstrekket, wil ek teen sekere bewoording en indrukke wat die berig kon geskep het, heftig beswaar maak.

Aangesien ek 'n lang onderhoud met die betrokke verslaggewer gevoer het, laat sy weergawe geensins reg geskied, in die eerste plek aan die inligting wat ek voorsien het nie en tweedens aan die grootste taak wat Alabama op sy skouers geneem het nie. Laat ek verduidelik:

Die sin in die vierde paragraaf „wat eintlik hier uitgebeeld word is die verhouding wat daar behoort te bestaan tussen mans en dames”, ruk die opset van die operette heeltemal uit verband. Die indruk kan gelaat word dat die bestaande verhouding tussen mans en dames (op studentevlak — soos in die berig geïmpliseer — derde paragraaf) nie na wense is nie en dat die operette dit wil regstel.

Dit is voorwaar nie wat die skrywer van die stuk beoog nie!

Dit stem my diep ongelukkig — en selfs verontwaardig — dat die betrokke berig gegewens bevat wat ek uitdruklik as terloopse sake aan die verslaggewer genoem het en wel ten koste van meer belangrike sake wat glad nie eers genoem is nie en wat ek wel genoem het.

In hierdie verband verwys ek na die sesde paragraaf waar gepraat word van 'n ballet in 'n lang rok en kaalvoet wat sogenaamd 'n droomtoneel voorstel!

Ek kan nie anders as om die skewe voorstelling van die berig te vertolk as 'n refleksie op die naam van die skrywer, mnr. Nesco du Toit wat bekendheid verwerf het met die spankelende „Deur Vier Wêrelddele” (verlede jaar se toerstuk) en vanjaar beslis nuwe hoogtepunte bereik

het met die aanpak van „Aggenee Bettie”.

Ten slotte betreur ek ook die feit dat die ondernemingsgees en hoë standaard van Alabama deur die berig erg in bedanking gebring is.

Ek wil ook ten sterkste die hoop en verwagting uitspreek dat 'n regstelling van hierdie hele saak by u lesers in die eersvolgende Wapad u dringende aandag sal geniet.

Dankie vir plasing.

I. van W. Raubenheimer.

[Is dit nodig om so streng in te gaan op die intonasie van elke woord in die berig? DIE WAPAD wou tog nie 'n resensie van die stuk gee nie, maar slegs 'n nuusberig waarin die werk van die Alabama onder die aandag van die studente gebring word!]

As ons geagte briëfskrywer gegewens aan 'n verslaggewer verstrekket, moet hy nie kla as dit in 'n berig verskyn nie! Dit was immers 'n amptelike onderhoud!

Die redaksie van DIE WAPAD ontken ten sterkste dat dit die doel nog die resultaat van die berig was om die „ondernemingsgees en hoë standaard” van die Alabama onder verdenking te bring, maar wil beklemtoon dat die posisie wat die berig ingeneem het — hoofberig op die voorblad — juis die oogmerk gehad het om die goeie werk van hierdie onderliggaam bekend te stel.

By ons is daar die hoogste waardering en bewondering vir die werk wat deur die Alabama Studenteorkes verrig is, veral in die afgelope twee jaar. Dit is jammer dat die gevoel nie wedyersyds is nie, aangesien ons slegs probeer om die belange van ons studentelewe en sy onderliggame te dien en te bevorder. — Hoofred.]



Elke Sigaret
'n Meesterstuk

Pukke sak in Liga

AGTERLYN SAL MOET REGRUK

DIE EERSTE span van Lichtenburg was Saterdag te sterk vir die gebreekte P.U.-span en het met 14—5 oorwinnaars van die veld gestap.

Die Puk se groot probleem het in die agterlyn gelê waar beserings teister. Agt gereelde eerstespanagterspelers is op die oomblik op die krukkelys en dan is daar 'n kroniese tekort aan skrumskakels.

Die P.U.-voorspelers het die bal seepglad uit die skrum laat kom, iets wat die keurders se oë beslis op Piet Bingle moes vestig het, maar die agterlyn kon hierdie voordeel nie benut nie. Tammy Boshoff het telkemale in die hande van Lichtenburg se puik heelagter, Willem Roux, geskop en die hanteerwerk van die senters was nie na wense nie.

Coetzer

Die proefneming met Andries Coetzer op skrumskakel was nie 'n mislukking nie, maar miskien tog 'n waagstuk aangesien hy sy eerste wedstryd in hierdie posisie in die eerste liga moes speel. Nogtans toon hy baie belofte en kan in 'n waardige plaasvervanger vir Gieter van der Walt ontwikkel.

Die voorspelers sal moet leer om te ondersteun en toe te maak in die lynstane. Ons lynstaansmanne doen goeie werk, maar weens gebrek aan ondersteuning kom die bal telkens aan die verkeerde kant uit. Badenhorst kan hier baie beteken.

Koos Hattingh kom nou mooi reg op flank en Lou Erasmus speel met sy ou vuur. Saam met Koos du Plooy gaan hierdie manne 'n gedugte kombinasie van losvoorspelers vorm.

Puk se enigste punte is aangeteken deur Terry Roscher met 'n drie wat verryf is deur Charlie Williams.

DIE PLUIMBALKLUB

Die Pluimbalkklub onder bewake leiding van Ludwig Röder, is vanjaar baie bedrywig. Die klub kan vanjaar spog met die grootste ledetal sedert sy stigting. Dat belangstelling vir hierdie sport steeds groei, is merkbaar aan die aantal beginners wat by die klub aangesluit het.

Die mansspan het vanjaar vir die eerste keer in die liga ingeskryf en vaar besonder goed. Ludwig Röder en Gerda Bester het ook in die Wes-Transvaalkampioenskappe tot die kwart-eindronde deurgedring.

Ludwig Röder is dan ook gekies as reserwespeler van die Wes-Transvaalse B-span.



Koos Hattingh

Manshokkie klop Kampioenspan

In reaksie op die berig in Die Wapad dat bg. klub sy sokkies moet optrek, het die spelers besluit om dit te doen. Daar was egter 'n harde neut om te kraak in die ligakampioene, Gold Fields, wat die afgelope vier jaar kampioene in Wes-Transvaal was.

Hierdie span het Saterdag hulle eerste wedstryd in vier jaar verloor toe die Pukke hulle 2—1 verslaan het.

Puik spel is gelewer deur Peet Aucamp, Gert Kruger en afrigter Wim Voordewind. Jakkals Reinecke verbeter met elke wedstryd en hy en Christie Coetzee was verantwoordelik vir die Puk se doele.

Die tweedespan het hulle wedstryd gewen met 3—2. Al die doele is aangeteken deur die kaptein, Daan Meyer.

Eerste toernooi van Pukke se Gholfklub

Moontlik na Intervarsity

DIE JONG golfklub van die Universiteit, wat nog maar ongeveer 'n maand-en-'n-half bestaan, hou Dinsdag die eerste groot toernooi in hul bestaan. Dit staan bekend as die Winterkompetisie en sal 'n jaarlikse instelling word.

Die kompetisie word op 'n voorgebasis beslis om die Kobie van Wyk-trofee. Ongeveer 25 inskrywings van studente is reeds ontvang vir die toernooi.

Intervarsity

Ander planne wat die klub vir die nabye toekoms in die mou voer is om 'n intervarsity-botsing teen Pretoria Universiteit op Potchefstroom te reël, terwyl die klub vir die eerste keer

in die geskiedenis van Universiteite-golf ook vanjaar aan die inter-universiteite toernooi in Port Alfred sal deelneem.

In 'n onderhoud het die kaptein, mnr. Anton Dreyer, ons meegedeel dat daar baie geesdrif vir die sportsoort bestaan en dat daar verskeie spelers in die klub is wat groot belofte inhou vir die toekoms. Die klub oefen weekliks by die buiteklub.



Johan van der Schyff

Die jonger manne op die Rugbyveld

Navy, wat baie geteister is deur beserings, moes die afgelope paar weke knaend die knie buig voor hulle teenstanders. Potch. Dorp II het hierdie span 16—0 kafgedraf, terwyl Lichtenburg 'n oorwinning van 28—13 oor die Navy behaal het.

Nietemin moet die naam van hulle kaptein Bulletjie de Beer, genoem word as 'n speler wat nie net sy span uitstekend lei nie, maar ook 'n barshou in die los speel. Sy haakvoet bly 'n dreigende gevaar vir Piet Bingle.

Spelers wat verdienstelike spel lewer, is Koos du Plessis en Jan Ackerman. Johan van der Schyff het in 'n wedstryd as heelagter vir Navy getoon dat sy spierbetering feitlik genees is, en 'n mens wil die hoop uitspreek dat hierdie knap senter nou weer sy plek sal kan volstaan in die eerstespan.

Fires

In 'n wedstryd waarin die bal baie rondgegooi is, het Fires en Lichtenburg IIIA gelykop gespeel met geen punte aangeteken nie. Fires het soos een man saamgespeel en veral die leiding van hulle ou kaptein, Hannes van Zijl, het baie vir hierdie manne beteken.

Eerstes te goed vir Dorp

Die eerste span het Saterdag daarin geslaag om Potch Dorp, wat altyd 'n moeilike span is om te klop, met 21 punte teenoor 14 te wen.

Die oorwinning is grootliks te danke aan die feit dat Piet Steinberg en sy manne oorheers het in die vaste spel. Dit nie-teenstaande die feit dat Dorp veterane soos Johan Claassen, Dick Putter en Koos Bezuidenhout het. In die los was dit Koos du Plooy, Dewet Kruger en Koos Hattingh wat die toon aangegee het.

Hoewel die Puk-agterlyn ontwrig was, het die plaasvervaardigers hulle baie goed van hulle taak gekwynt en hulle span nie in die steek gelaat nie.

Die wedstryd wat aanvanklik 'n kwaai voorspelerstryd was,



Schalk Hoogenboezem

het na rustyd mooi lewendig geword en beide spanne het hard geslaan. Die rustydteelling was 5—3 in die Puk se guns na 'n drie deur Serfontein, wat verryf is deur Hoogenboezem, teenoor 'n drie van Koos Bezuidenhout.

In die tweede helft het Wiehlie Pienaar en Bingle elk 'n drie gedruk, wat deur Hoogenboezem verryf is, wat ook nog twee strafdoele behaal het. Dorp se ander drieë is aangeteken deur J. Briel en K. van der Merwe, waarvan een deur Claassen verryf is, terwyl Putter met 'n strafskop geslaag het.

Onderrig in:

Klavier en Teorie van Musiek
Spraaikleer en voordragkuns
Groepklasse in Praatkoor-werk
(veral vir aspirant onderwysers(esse))

Studente wat hierin belang stel, spreek:

MEV. M. M. COETZEE

Tomstraat 114

Telefoon 1336

BIERMANSKAP!



LEEUPLESIER!

„LIEWE INGRAM, EK VERLANG...“

„EK GAAN TERUG NA OU INGRAM AS EK KAN...“

Besoek:

**INGRAM
SE DRANKWINKEL**

Allerlei

★ WYNsoORTE, BIER EN STERKDRANK
★ DRUIWESAP, CYDER, LEMOENSAP,
TAMATIESAP EN KOEJAWELSAP
in bottels en blikkies

Kerkstraat 122

Posbus 171 — Tel. Nrs.: 12 en 2582